



卷四



四川名勝志卷之十二

閩中曹學佺能始著

巴州

在保寧府東三百五十里

領縣二

山曰大巴小巴世所稱九十巴山也大巴之險逾于棧道下逼漢中小巴之南即古巴國西魏置巴州唐迄我明不改洪武九年曾降為縣後以平山寇復為州○巴江源出大巴山至當州東南分為三流而中央橫貫勢若巴字有清江源出廣元縣前通平鎮歷舊恩陽縣至州與巴江合寰宇記云清水一名白石水即向白石縣之所理也○李

白巴水歌云巴水急如箭巴船去若飛十日三千里郎行幾歲歸嚴武巴江喜雨連夕霧霓類建瓴送將涼意滿郊垆江邊萬木大半綠天外一峰無限青○華陽國志漢末劉璋以墊江以上爲巴郡江州至臨江爲永寧郡胸臆至固陵爲巴東郡而巴遂分矣志云此居其中爲中巴州城內忠義廟祀漢嚴顏張飛碑曰嚴將軍廟記在巴州城西門唐貞元元年帝魯文○杜甫寄馬巴州詩勲業終歸馬伏波功曹非復漢蕭何扁舟繫纜沙邊久南國浮雲水上多獨把魚竿終遠去難隨鳥翼一相過知君未愛春湖色與在驪駒白玉珂○治內有春風樓竒峰森列躍入青漢高下眩轉隔闕風雨相傳宋秦坦記中語也○擊甌樓在州城南唐中和四年尚書右丞相戶部張禕記有張曙序略云宋玉九辨悼余生之不時也甲申竄身巴南避許潰師郡刺史甚懼接眷一日登郡南樓下臨巴江饌酒簇樂以相爲娛言間有馬處士携善擊甌者至請卽清讌爰騁妙絕處士審音以知聲余審樂以知化斯可以抑揚放淫頓挫匏竹運動節奏出鬼入神太守請余賦之余曰不圖爲樂之至於斯

也○碑目云州城有紫極宮天王堂俱唐大中元年軍事判官進士蕭珣記有折柳亭宋嘉祐五年太守鄭淵賦折柳詩十絕句刻石有巴南十七景別駕彭未仍賦巴南十七景答之○唐會昌四年巴州刺史裴禘修廨宇記巴南新置屋宇什物石記俱在郡廳○東龕在字江東岍巾子山下卽唐兜率寺寺廢碑存○西龕有古墨岩在懸嵯上有壯觀二大字云是李太白筆有流觴亭唐乾元戊戌嚴鄭公武所創大曆間盜起地遂廢開成丙辰刺史唐元封復修葺取羊士諤流盃十四詠以自序爲證有唐人題西龕櫻桃詩刻□嚴武題龍日寺西龕石壁詩云聖澤久潤物皇明常燭幽恩從祥風翺德與和氣遊報國建香刹開巒臨僻州天長面綠水地迥起朱樓尋異遍衆壑坐禪逢一丘未懷根本妙誓以身心修竒色豔草蒲琰名嘉樹稠遠江崩濤喧復澗微雨休嘹唳狷響谷參差峰入流碧烟曳篁徑白日懸沙洲泛海謝安石吟詩王子猷揚雄愛清靜山簡多優游性分固有適著龜何足求神閑孤臺月日送千里舟携手逸群品

浩歌邈悠悠山情慕禽尚詩格警曹劉旌能舉滯
時選異拔竒倚鼎食當自致巖棲難久留嗟余叅
符守漢主遠分憂徃徃行春到聞鐘散客愁朱尹
游西龕詩朝出城南門循溪陟西嶺西嶺鬱岌峩
切隱金僊境懸崖古墨存白日蛇龍哭嵐霏濕空
濛泉澗咽清冷汲之滄山茗數啜心醒醒城郭瞰
在襟三墩聯九井四野各嬉煦犬鼠亦無警豈曰
予所能帝德實綱領獲茲簿書餘怡情對斯景任
約前題門徑森寒栢小橋穿竹溪澄江朱檻北晚
照碧巘西修竹清泉逗高楠邃閣齊虛廊面青壁
危棧跨丹梯絕頂舒平席遙峰出半圭軒窻俯星
斗襟袖拂雲霓甘露春膏淡濃嵐晝靄迷嶺猿悲
夜嘯谷鳥響晴啼古寺南龕近巴城東郭低杯流
故池水猶刻古人題○南龕有廣福寺一名光福
大書乾元三年山南西道嚴武奏臣頃牧巴州其
州南二里有古佛龕舊有鐫佛五百餘伏望特賜
洪名勅以光福爲額唐詩紀事載嚴武史俊楠木
唱和詩碑目云刻在南龕又云郊昂陪嚴使君暮
春五言二首在南龕詩甚典麗昔有僧在南龕上
以漆漆其真身龕置石壁不知何時人嚴武奏乞

山南寺額表云願度有道行僧未以住持俾其修習意亦唐以前人也口通志云南龕有雲間閣杜甫寄嚴侍御詩遙知簇鞍馬回首雲間閣卽此口宋權維重修雲間閣記云閣在南龕絕頂躬自李唐歲久敝壞寺僧請易而新之不閱月間碧瓦朱甍雕梁畫楯突然聳出于群山之表暇日置觴倚檻周覽巖壑萬狀雲烟出沒朝暮變態曾無窮已則昔之隱狀晦藏而不見者今若神驅而出之皆離潛出幽吐奇露彩章章于目前云○志云美農臺在州治南二里相傳昔梁太子賢於此勸農而築臺傍有唐太子賢墓高如小阜唐史高宗上元二年夏四月立雍王賢爲太子永隆元年八月廢爲庶人開耀元年冬十一月徙於巴州中宗嗣聖元年太后殺故太子賢太子嘗作黃瓜臺辭云種瓜黃臺下瓜熟子離離一摘使瓜好再摘令瓜稀二摘尚云可四摘抱蔓歸當時有銘其墓者云斷一指得天下凡人不可爲殺愛子竊帝位武后行之噫嘻賢之遺隧萬世之元龜○北龕在北山一里有白馬泉九州要記云卽黃牛山有穴白馬奔出故名一名王望山山半石壁隱出老君像唐人

有比山老君影迹詩卽此王望字子濛開元初嘗與玄宗遇俗傳爲晉時人旦跨白驢入長安市暮復回山中一說唐玄宗控白驪至此山望見京闕曰此去京師不遠故名王望口龍洞在山巘腹間楊義仲記云左曰東洞門如鏡鑿高幾三百尺耀若太儀之庭堯率之宮又百餘步則空穴開明有琉璃洞及釋迦像石犬石鳥凡石之詭形怪狀莫不畢獻又過後山之右曰西洞其竒怪亦亞于東洞○有君子泉宋黃燹則銘云有冽者泉達於泉南浩然天中其流無窮于暑而涼于冬而溫豈其

矯耶有變者存志云在州治東四十里廢曾口縣西朝陽巘其泉自巘石流中清冽無比上鑄有君子泉三字宋人來官多遊于此石刻具存口嘉定壬申夏五月朔邑令會稽宋拱闕尉錦屏鮮于永清避暑來集拂巘雲弄土泉倍有山水之樂口銅梁曹闕龍馮伯規何孚望古郫李忠父同遊此汎舟酌巘下日西乃歸淳熙己酉閏月十有二日口巴州都監權縣尉義渠毛仲子中通江曾口縣巡簡崆峒王願天啓通江縣尉長安水延年仁淑淳熙八年十月二十一日同遊朝陽巘口邑宰蓬池

何渙之亨通邑尉漢中李元竦子莊以閏正月下
澣日遊曾口故縣基野飲于修篁古木之下絕江
少西息朝陽巘酌君子泉流連至暝而歸皆乾道
九年○几水方輿云水形如几竒章縣臨之按其
章廢縣在州東八十里以其章山爲名一曰竒章
唐牛僧孺封竒章公本此宋陸游過竒章僧刹詩
轉盡窮山入翠微松陰拂拂冷侵衣長天秋水自
一色斷岫孤雲空四飛客路何年閑馬足蟠溪平
皆負漁磯僧牕不得吟清晝又擁籃輿到夕暉○
平梁城在州西二十里宋淳祐都統張實創築取

掃平梁州之義也下有平梁洞妙通居士羅南仲
所居有石床石灶按舊城記云平梁山頂有地數
十畝居民數戶在上住種納稅○化成縣設鳳谷
山下山頂有要羊觀熙寧通守楊黃中記云唐明
皇與葉法靜神遊於羊蒙山忽思豢羊山靈遽以
羊進詔于其地立觀今名廣福按志在州西四里
唐喬琳巴州化成縣新移文宣王廟頌云殷之系
聖周之斯文生我夫子世教之君周微唐興千祀
于茲春秋祭菜俎豆其時維巴之南亦揭其宇盧
公宰邑人之父母假我升堂陋彼環堵爰就爽塏

長松之下公之志思人亦勤止變此夷俗參乎孔里學者行之造次于是○恩陽縣碑目云唐貞元石刻在恩陽縣南渡江登石梯數百級上義陽舊縣治石梯之側懸崖上有刻字云貞元四年十月二十日再修此路餘皆磨滅不可辨又云大曆初肅應物送令狐岫宰恩陽詩亦刻石于縣之駟亭○小說摭遺云古靜州知州王鸚子讀書于義陽山忽一女子前自稱爲張笑桃題紅梅詩于壁墨跡未乾遂不見人疑爲梅仙詩云南枝向暖北枝寒一種春風有兩般頻上高樓莫吹笛大家留取倚欄干按靜州卽巴州也唐武德初置旋廢○州北百里有大牟縣碑目云在恩陽縣西北界有斷碑刻云南隆州大牟縣界十里北集州難江縣界五里縣令李昱立○按魯口奇章化成義陽俱梁普通間置而恩陽乃隋開皇改自義陽者亦俱元時省入

通江縣

在州東北一百一十里

地枕巴江縣名因之理在古壁州壁州者以城西南壁山爲名唐武德初所置也山有嘉祐寺節度使鄭畋建自爲記云壁山境勝之所鬱密喬樹葱

舊景態玄月澄日搜索竒秘得泉洞于西南維鑿石架篁繚繞登降高懸旗旛疏爲泓沼峭壁危棧遂來商旅乃于舊亭東隅建構佛宇召僧匡信主其事多出私財以益之爲堂三間徘徊爲門爲廊二十六間高下還合翬飛鱗次廊外爲僧房庖厨數十間又立真室文之高界爲左右翼愚與凝績洎猶子昭胤俱寫形于方丈中負山面江雄壓勝地日月先照風雨所交鐘梵松篁鏗鏘滿聽千家甍棟歷歷在眼晨煙夕艷輝燦戶庭鷗鷺篙榜以資景物于時行朝卿士或寄寓于諸州給事中孫

君儲秋曹正郎鄭君損皆柅車此地邀以同筵書琴棋畫隨後間作自仲春至于維夏也本志又載其碑陰云僕至郡觀舊碑三埋于戟扉前之泥中遂飭役兵出而滌之其一斷而磨滅者乃唐鄭公台文修山寺記也始讀之文多訛缺及其完處令人愛嘆之不已而又得公進退之詳按僖宗紀并公傳各亦舛畧此公文是可信者矣惜其湮沒遂命筆正訛補缺離句綴意解凡六十七字斬石命僧守丕書之刻而立于州學庶幾永永記成于唐中和甲辰孟秋二十有三日重刻于大宋之嘉祐

癸卯孟秋中澣凡三甲子云太常博士俞城君王序按此則嘉祐寺以重修得名者原名爲龍興也本志又載鄭相遺踪在壁山下石澗中梯石齒披煙蘿入幽巖苔蘚間有字云簡較司徒守太子太保鄭畋門吏給事中賜紫金飛魚袋孫儲尚書刑部郎中賜紫金緋魚袋鄭損中和三年十二月八日收訪泉石偶題于此僧匡信看題榜又刻有畋明年孟秋念七日與姪昭胤至此訪別一段○碑目云薛使君布政碑唐乾符年間壁州刺史裴寘辭作乾符間立壁州神廟石刻在今通江縣北四十步有元光三年制書本志云玄妙觀右星精石唐人刻篆甚多民間琢毀其半俱在治內唐推官鄭損星精亭詩星沉萬古痕孤絕勢無隣地窄少留竹空多刺占雲釣篷和雨看樵斧帶霜聞莫惜尋常到清風不負人○歌籟山與壁山相對上有石鼓聲聞數里連擊旋雨又縣南有秋錦山隔江望之如錦與壁山相連○壁山之上有王鞭池志云昔有人拾王鞭于此池內因名朱慶餘送壁州劉使君詩江分入峽路山見採鞭人卽詠此事○鳴鹿祠五代史王建爲壁州刺史後僭位永平三

年麟見于壁山二鹿隨之此立祠之始也宋皇祐
初太守胡俛記其事云朝廷有大詔令官屬有遷
罷鹿必鳴鳴于山陽爲福山陰爲禍靈驗如符山
下枕諾水諾水卽宕水所激聲若呼諾後魏諾水
縣以此名○縣東南隅有公山隔江形如公字舊
傳張道陵七世孫刺集州于此上昇絕頂有張康
侯廟○舊志載孫思邈濯藥于縣東十里石澗之
畔名爲孫氏池亭石灶丹臼尚存按孫氏園在龍
灘之側唐末監察御史盧重阜壁州刺史辛巢父
等六人分詠賦詩有石刻存宋仲賢孫氏池亭詩

云客林抱清溪微徑入煙靄亂流縈石轉浩浩兼

萬派披蘿出潭上結宇在竹外坐嘯孤雲還開軒

遙相待崩崖臨絕壑幽趣驚盼睽淳蒲泄其餘下

注陰壑瀨道情留霜簡詩興延皂蓋賞逐景物偏

心期臨仙槩日低迴岡後鳥入寒林內暝色交殘

光明滅群木態後之視今日猶今視千載永懷滄

洲人功成身將退符陽縣令陸干城和斷崖青松

林林下覆煙草一徑捫綠蘿數里尋芳藻巘開野

人屋結構憑孤島石斷寒泉流亭幽翠巘繞櫻挈

龍虎狀宛若鬼神造隔崖聞湍聲當牕見夕照巴

南絕境處勝似東溪好萬籟清心胸孤雲豁煩惱
罇邀驄馬客寫物窮探討琴匣閒時開柴門不須
鑱孰云造化工未與天地保長揖謝王侯塵紛徒
浩渺○本志云縣西十里有古佛龕唐人題詠風
雨剝蝕惟一碑粗可識乃龍朔中壁州叅軍蔡洪
勑又一碑乃阿彌陀佛龕也○縣之洞有二一曰
龍洞在治西二百里吳埡鄉洞周圍二十餘丈高
三丈深七尺內有池殿清瑩湛然一曰蛇洞在治
北四百里南壩寺唐建也每歲端陽前後有蛇自
柱礎間出沿階滿室大小顏色非一種然不爲害

昔人傳三萬四千尾不可數也按此卽巴蛇洞云

○礪有二一曰仙人礪在縣東三百里有石竇可

容百人崖上刻公孫秀才讀書處年代不可攷有

山茶高數丈相傳是唐時樹一曰牛角礪在縣西

三百里金溪有石室可容千人石筓數十自崖頂

下綴望之稜稜如牛角俗呼爲牛角礪按說文礪

礪石也此以形似得名○古墓有二一曰吳將軍

甘寧墓在縣西百里露浴溪上謂之甘谷一曰向

佺墓在縣東六十里大鐘山獨起萬山中如覆鐘

其下卽向君墓左龍池山峭立插漢蒼松偃蹇有

石池龍湫注之○古城關二一日得漢城在縣東北百里萬山中崛起塹崖四面峭絕獨西南二徑凌險轉折而上誠一夫當關之勢斷崖多前代遺踪可識舊志載漢高帝據此以通餉道石壁刻云宋淳祐己酉季冬大使余學士親臨得漢城山視其形勢而授都督制張實躬率將士因險形壘儲糧建邑為恢復舊疆之規分任責者總管王昌金之福鈴路張虎臣司整杜淮王安杜時順徐斯李成劉文德劉清梁福陳寶賀山進李崇制領郭俊杜成周仙周○一日桐栢關在縣東北八十里與樛林關相對有關羽廟相傳神曾守此畊者往往得箭鏃

南江縣 在州東南六十里

難江縣後周天和五年置以江水難涉為名 國初易難為南志云南江出米倉山經當縣前下與巴江合○碑目云唐難江公山威惠廟記天寶改元田彦識撰神乃漢張魯後又云唐李繼顏誥詞刻于郡廳光化三年中書舍人錢珣行撰有城牙樓記圖經以為李楫文有舊碑二其一偽蜀廣政己未之記其一天聖乙丑之記○集州兩角山記

唐集州刺史楊師謀書宋集州刺史張龜年回車院記道士蒲善從勒石按集州西魏及唐俱置以集江水爲名今縣學是古集州址○縣之勝者有潭曰放生石刻放生潭三字水落方見意亦唐刻也其上鐫七佛龕圖經云乃唐張禕扈從僖宗入蜀時經此所鐫○峽曰石鼓碑目云趙寅爲集州刺史有石鼓峽記○石曰探梅在縣東北五里亂石中有刻云宋人少華陳祉介卿浚儀潘士政執禮厭次來高元敷携樽探梅靖康丙午閏四月歲望○渡曰莎鼻有唐集州刺史蘇味道題字○灘曰洋灘在縣北灘左有楊侍郎墓碑字多蝕碑座是萊玉見存但不知何代人○澗曰菖蒲距縣北一里懸崖峻壁石室空曠有石刻云自潭北入澗行經此新開路東不啻三百步其間巨石壘倚嘉木交映空森復聳竒勢異狀綠苔青蒲印模履踪捫手探足無非蒼翠幽禽皓皓飛泉溼溼若有異人仙客鼓瑟吹簫于洞穴之中使人心逸神暢悅然忘歸斯實方外之佳賞也噫自有此澗杳無人蹤豈異夫浮世之事通塞有時耶今鑿崖爲路梯石爲徑連延抵于碧崖盤石之東窅其澗分之所

開成四年十月二十三日武功男子記僧弘真尋
澗之迹藏諸山房□又碑刻云有宋政和清
明後一日權縣事長安杜德機元發訪菖蒲之溪
薄尋其源言採其藥轉步而返則摳衣碧巘屏石
而坐解帶古床幄雲而息然後歸頗恨得此之晚
□大宋政和辛卯歲仲春月清明日縣吏馮
子茂典職長楊子山邀同局中李二都王四都楊
工四沿澗窈菖蒲碑文兩日方返故題于碧巘三
月十四日楊嵩岳山書記□廣都蔣城吳大年古
郛李椿秦亭權師雄大梁趙恂闔中馮時周谷米
居約以紹興十八年九月十有四日訪古菖蒲澗
觀唐人武功子石刻置酒碧巘溪效柳子序飲損
其壽爲一題名投之澗或洄或止或沉皆賞惟直
前無沍滯則免坐客率三四十飲咲歌諧嬉日晡
乃罷畢成記□紹興庚辰上巳游菖蒲澗飲于碧
巘效晉人祓禊故事頴菖王芹宥渠韓慶孫開封
喬嘉成都周瑞行男夏卿凡五人□李異李國用
楊義仲勾成允唐棟淳熙甲辰正月晦來遊時春
日融明熏風和暢爲蘭亭之飲以歸□嘉定壬申
仲春三城郭仲深攝事集山清明後一日遊菖蒲

澗板尋古岫眉山扈才叔小益劉溫叔潼上楊珍
父同來○山曰十二峰在縣之馬盤灣巉巖聳秀
最爲竒觀有客題詩曰插立翠屏峰十二爲君喚
作小巫山○川曰明水在縣北五十餘里水出硯
屏林木山川之形隱于石間○橋曰五馬志云李
虎仙者往來難江通江二縣縣人修五馬橋工匠
數十虎仙于皮袋中出小釜可容三升以米麪食
物納其中炊之以飼人人皆飽○寺曰栢院在縣
南六十里栢院鄉唐高宗末年建相傳爲章懷太
子修行之所有碑文剝蝕○宮曰紫微唐賈真人
居此白晝登仙晉詩壁間云此後不知誰有分壁
間畱得上天梯○觀曰銅人在縣南隔江唐開元
集州刺史李成裕奏設尙像皆銅有殘碑數行開
元二年兵部尚書牛仙客文宋集州守楊方平重
立石又有碑刻載黃蓬石事畧云黃蓬石乃大蓬
之仙者性顛蒙唯充薪水偶汲于寺見金瓶貯水
乃飲水而置瓶是夕勞困臥藩籬間醒忽顛悟能
詩蓬之名士無能出其右者頃乃隱于大蓬人不
之見

劍州

在府北二
百二十里

領縣一

州以劔門得名蜀漢之梓潼郡矣宋南渡後陞爲隆慶府以孝宗潛邸云○志云漢陽山州之主山也武功康海劔州重陽亭記所云頰枕聞溪前對漢陽是矣○碑目云劔州石柱文晉太元十八年刻東園聞泉賦唐貞元中蘇洪之刻開元寺重修中和極樂院銘大順三年劉崇望記宣詔亭碑蜀天成四年四月一日記宋高宗籍田手詔碑皆治內之琳琅也○重陽亭在東山之陽唐大中八年蔣公侑始建李商隱序而銘之志云東山一名鶴鳴山上有磨崖顏書元結中興頌口李義山重陽亭記畧云侯講天子意二年大理乃大鏟險道緄石見土其平可容考工車四軌建爲南北亭以便勞餞又亭東山號曰重陽以醉風日南北經貫若出平地無有噫嘻因作銘○宋閬州通判吳師孟記云東山一峰特竦千仞衆小山迤邐卑附如奔走如侍從茂林蒼崖煙靄蒙密有一亭焉冠於山椒碧瓦鱗差朱欄霞明長溪清潄流影不去乃唐刺史蔣侑所建重陽亭李商隱序而銘之者也權知州軍郭子臯題其碑後曰李義山記重陽亭曰作亭東山以醉風日而不記名亭之因予讀張平

子西京賦有云集重陽之清澄釋云上爲陽下爲陰則斯亭也上據高巘下瞰澄溪蔣公名亭之意其得之於此耶釋碑以告來者元豐六年題又康德涵記以爲亭畔有石刻古重陽亭四字宋張琬筆○按東山卽臥龍山寰宇記云臥龍山在縣東二里盤園州市高百丈其上爲九龍山高三百丈唐天寶六年勅改龍祠山山上曾置九龍祠焉○州北爲故壘山益州記云山有姜維拒鍾會故壘其山峭壁俯臨絕澗○又二十里卽劔門關棧閣相望顏師古曰棧卽閣也按史記蔡澤謂范雎曰今君相秦計不下席坐制諸侯棧道千里通于蜀漢華陽國志云諸葛亮相蜀鑿石架空始爲飛閣以通行道如此則棧閣爲二矣蜀漢以前曰石牛道史記秦欲伐蜀而不知道乃作五石牛以金置尾下言能糞金以遺蜀蜀王負力而貪使五丁開道引之秦因使張儀司馬錯尋路滅蜀○輿地廣記曰石牛道者山有小石門穿山通道六丈餘漢永平中司隸楊厥又鑿而廣之諸葛孔明以大劔至此有隘束之稱乃立劔門縣復于閣道置尉以守之常璩云閣道三十里至險有閣尉桑下兵民

也晉書李特入蜀至劔閣顧盼險阻曰劉禪有此地而面縛于人豈非庸才耶○隋置閣之地皆有關官而于劔閣獨闕至唐始置劔門關後又置大劔戍小劔戍五代董璋遣兵扼劔門關又爲七砦按圖經云關官許令直受頒降詔赦亦許直行申發文字聖節月旦亦有表疏異時訓飭關吏至親洒宸翰所以重設險也○周地圖云大劔山亦曰梁山山海經曰高粱之山其上多堊其下多砥礪其木多桃枝鉤端有草焉狀如葵而赤華實白跗可以走馬王隱晉書張載隨父收入蜀作劔閣銘益州刺史張敏見其文乃表天子刻石於劔閣焉又有小劔山在西北三十里故此爲大劔崔鴻十六國春秋苻堅使楊安伐蜀其將徐成破二劔是也東連莎萸西接綿州凡二百三十一里故左太冲云緣以劔閣矣○碑目云劔閣有魏太尉鄧公神廟記唐劔州刺史邢冊題又鄧衛聖侯碑唐刺史郭淮立石又有唐李復撰劔閣碑唐魯叔明劔門記貞元二年張允書唐劔門制置記廣明元年立俱在棄繻亭南百步○寰宇記云隋始州銘在劔門縣二十里許有古州基自縣至彼攀木緣壁

至此稍平一豐碑字名磨滅開皇三年李德林文
蓋西魏以此置始州云○唐書元和元年令狐楚
賀收劔門表云臣得上都進奏院官高振報嚴礪
下告捷官嚴公貺奏正月二十三日收復劔門破
賊五千斬僞授劔州刺史武德昭訖○碑目云唐
韋表微劔閣銘在報國寺靈泉側昔唐僖宗巡幸
至此有微恙飲其泉頓愈因名爲報國靈泉今有
石刻存焉○唐清義何氏古碑在劔門縣登高臺
光宅中建所載有名幕者生四子孝弟義遜家八
十口不異居儀鳳二年勅賜清義門○劔門有修

關石刻天成五年立又有五代敕牒甚多皆天成
長興廣政間刻○方輿勝覽云玉女臺在大劔絕
頂峭壁千仞下瞰古道行人如蟻有小石刻云玉
女煉丹之所○仙女觀在北嵯頂唐先天二年置
去觀一里渡仙女橋有煉丹臺岩畔有仙女影近
代以來改爲禪院○誌公殿劉族記云劔閣之下
有壽聖寺在石壁西偏由益昌道中望之隱隱如
行僧頂伽帽每秋時出或見光景陸游劔南詩藁
云劔門東石壁間影有若僧負杖者杖端彷彿有
刀尺拂子狀○梁山寺產茶爲蜀中奇品東坡南

行錄詩有飛簷如劔寺之句其註云出劔門東望
有一寺山巔樓閣隱隱可見有一二碑皆磨滅政
唐碑也寺左龍嵒洞穴幽邃雨雪壘小說云王建
為盜朝廷捕之悉逃於劔門巨石穴中即此洞口
宋人隸書龍巖二字口思賢樓在劔閣水門上畫
張孟陽李太白杜子美柳子厚像口文煇堂記云
劔門題詩以太白子美為重而世未有並祠之者
會從李參預壁所得所賜阜陵御書蜀道難又從
李左史得趙忠定汝愚大書劔門詩因建祠刻二
詩于側榜其堂曰文煇取韓退之詩語也口晉張

載劔閣銘巖巖梁山積石峩峩遠屬荆衡近綴岷
嶓南通邛夔北達褒斜狹過彭碣高踰嵩華惟蜀
之門作固作鎮是曰劔閣壁立千仞窮地之險極
路之峻世濁則逆道清斯順閉由往漢開自有晉
秦得百二弁吞諸侯齊得十二田生獻壽矧茲狹
隘土之外區一人荷戟萬夫趨超形勝之地匪親
勿居昔在武侯中流而喜山河之固見屈吳起興
實在德險亦難恃洞庭孟門二國不祀自古迄今
天命不易憑阻作昏鮮不敗績公孫既沒李氏銜
壁覆車之軌無或重跡勒銘山阿敢告梁益口柳

宗元劍閣銘并絡坤垠時以饒足滌血誓士玄機
在握分命貔貅陳爲犄角右逾岷山左直劍門攻
出九地上披重雲攀天蹈空夷視阻艱破裂層壘
殄殲群頑內獲固圉外臨平原天兵徐驅卒乘暉
暉大憖囚戮戎夏咸歡帝圖厥功惟梁是先開國
進位南服于藩邦之清夷人以完安銘功鑒亂未
代是觀口李文饒劍門銘註云劍門當中有一岑
峻嶺橫峙望若巨屏此一峰最奇而說者未嘗及
也故銘云群山西來波積雲屯地險所會斯爲蜀
門層岑峻壁森若戈戟萬壑奔東雙飛高闕翠嶺

中橫黯然黛色樹若雄屏以衛王國○梁張悰蜀
道難詩梁山鎮地險積石阻雲端深谷下寥廓層
巖上鬱盤飛梁駕絕嶺棧道接危巒攬轡獨長息
方知斯路難唐玄宗巡狩言歸駐蹕劍門詩劍閣
橫空峻臺輿出狩回翠屏千仞合丹嶂五丁開灌
木縈旗轉仙雲拂馬來乘時方在德嗟爾勒銘才
王勃普安建陰題壁云江漢深無極梁岷不可攀
山川雲霧裏遊子幾時還盧照隣大劍送別劉右
史金碧禹山遠關梁蜀道難相逢屬晚歲相送動
征鞍地咽綿川冷雲凝劍閣寒倘逢忠孝所爲道

四川名勝志 卷之十一 十一 九

憶長安李白蜀道難云噫吁戲危乎高哉蜀道之難難于上青天蠶叢及魚鳧開國何茫然爾來四萬八千歲不與秦塞通人煙西當太白有鳥道可以橫絕峨眉巔地崩山摧壯士死然後天梯石棧相鉤連上有六龍回日之高標下有衝波逆折之迴川黃鶴之飛尚不得過猿猱欲度愁攀緣青泥何盤盤百步九折縈巖巒參歷井仰脇息以手撫膺坐長嘆問君西遊何時還畏途巉巖不可攀但見悲鳥號古木雄飛雌從繞林間又聞子規啼夜月愁空山蜀道之難難于上青天使人聽此彫

朱顏連峰去天不盈尺枯松倒挂倚絕壁飛湍瀑流爭喧豗崩崖轉石萬壑雷其險也如此嗟爾遠道之人胡爲乎來哉劔閣崢嶸而崔嵬一夫當關萬夫莫開所守或匪覩化爲狼與豺朝避猛虎夕避長蛇磨牙吮血殺人如麻錦城雖云樂不如早還家蜀道之難難于上青天側身西望長咨嗟○劔門東南有七盤嶺廢武連縣設焉按武連縣舊爲武功縣故郭璞識云縣路翠武功貴縣路青武功崇其後青城何琰宰是邑遂刻石縣門○志云迢遙樓廢址在武連舊縣唐顏真卿書扁三大字

碑刻存元改武連縣學爲魏公書院以唐魏徵所
生之地也學正王惠爲之記○劔南詩藁云過武
連縣安國院有二泉傳云唐僖宗幸蜀至此飲之
而甘賜名靈泉其詩云滴瀝珠璣翠壁間異時曾
得奉龍顏卽此○寰宇記云都竹水從武連縣流
入普安縣南流至掌天山下入閬州益州記云掌
天山在臨津縣山多柘堪爲良弓雖屢絲燕角不
能勝也志云柘溪水出柘谷山多生柘木○寰宇
記云廢下辯城卽臨小潼水李膺益州記云宋元
平以武都流入于下辯縣安置大明二

年改爲武連縣寰宇記小潼津發源京兆山分水
嶺謂之京兆水也○本志云武連縣九龍山有洞
石壁如屋內有九井又有群仙洞洞中無他物惟
石窟數間如堂宇有水自西向東不知所來山下
長老云曾有數人耘苗見洞中聲樂嘹亮密覘於
洞口見列坐如天人狀奏樂者無數欲進前觀之
卽不見自後人數見之○劔之西南有黃安縣晉
置宋改爲普成縣縣在跨鶴山趾一名駕空山山
腹有紫霄觀崕上有僧懷素草多缺落不可辨跋
云右懷素草字絳臺潘氏載入法帖誤綴張長史

書末今潘氏墨本不可多得因刊于駕空山崖石
與伯英草聖並列共傳末又隆興元年癸未季冬
濃洄野叟識□志云州城南百二十里有漢王潭
在黃安縣之東境上有漢王廟□普成縣南一里
紫霄觀舊名普成晉宋間有李隱君名普成者煉
形其間與其弟普露普濟白日昇去是普成縣以
仙名也縣傍有石麒麟每天旱土人諷經取水洗
之卽雨○又南八十里有益津卽古臨津縣地碑
目唐盧照鄰悟本寺記在故臨津縣悟本寺內○
按劔門普安二縣併入州爲劔門普安二驛矣今
州西百里上亭驛卽廢下辨縣又二十里武連橋
卽廢武連縣

梓潼縣

在州西南
一百里

翰墨全書云禹于泥陳山伐梓其神化爲童子漢
以之名縣也本志則謂其左倚梓州右枕潼水云
○注水經曰梓潼水出其縣北界西南入于涪註
云故廣漢郡也公孫述改爲梓潼郡○唐王勃梓
潼南江泛舟序云咸亨二年六月癸巳梓潼縣令
常君以清湛幽凝鎮流靖俗境內無事艤舟於江
潭縱觀於丘壑渺然有山林陂澤之思遂長懷悠

想周覽極睇思其人則呂望藉茅於磻溪之陰屈
平製芟於涪陽之浦覺瀛洲方丈森然在目於是
間以投壺讐以妙論亦有嘉餽旨酒鳴絃朗笛以
補尋幽之致焉預於斯者若干人○寰宇記云明
皇過梓潼望見山上有一窟近臣奏云漢司馬相
如讀書之窟遂勅名爲長卿山山上有長卿寺下
有漢侍御史李業石闕舊經云前漢侍御史李業
葬此遭赤眉亂二闕以臨關俱破壞又縣東北有
二石闕其一題曰漢沛國相范伯友墓其一題曰
漢趙相國雍輔君之墓○宋周必大曰予得光武

時梓潼扈君墓輒先叙所歷之官末云千秋之闕
模脫隸書而非鐫跡○續搜神記云有神姓張名
亞道術顯著廟在梓潼玄宗幸蜀著靈追封左丞
相唐書廣明二年僖宗幸蜀神又見于利州桔栢
津封爲濟順王親幸其廟解劍以贈神郡國志云
濟順王本張亞子戰死而廟存昔亞子西至長安
見姚萇謂曰却後九年君當入蜀若至梓潼七曲
山幸當見尋至建元十二年萇隨楊安南伐將至
七曲迷道遊騎賈君蒙忽見一鹿馳去逐至廟門
鹿自死追騎共剝之有頂萇至悟曰此是張君爲

我設主客之禮烹食而去按此即世所奉祀梓潼帝君也唐判度支蕭遇和王鐸張亞子廟詩青骨祀吳誰讓德紫華居越亦知名未聞一劍傳唐主長擁千山作蜀城斬馬威稜應掃蕩截蛟鋒月俟昇平鄩侯為國新簫鼓堂上神壽更布兵○志云百神廟在縣南四里咸通十一年盧耽除西川節度時蠻寇圍成都大將軍吳行魯統師過此見斷碑皆古卿相之名默致禱焉既而王師大捷乾符三年行魯除東川節度遂於路側置百神之廟景福大順間廟遭兵火王氏僭號夢神人求祠宇稱

是梓潼百神因重興置○五婦山在縣北十二里高四百二十丈按蜀記云梓潼縣有五婦山秦王遺蜀王美女五人蜀王遣五丁迎女至梓潼五丁踴地大呼驚五女並化為石蜀王築臺而望之不來因名為五婦侯臺漢書地里志云梓潼五婦山碑誌存有五婦神廟李膺又云梓潼有鳴湍折碑祠西臨潼水湍迅激流俗呼張湍祠亦呼為石碑祠○隱劍泉在五丁力士廟西一十步古老云五丁開劍路迎秦女拔蛇山摧五丁與秦女俱斃於此餘劍隱在路傍忽生一泉又云此劍每庚申日

現○蛟龍神祠在縣東十九里兜鑿山上倍呼為
兜鑿神古老相傳此神昔用生人祭之不則瘴疾
水潦為害張道陵戒之遂絕○葛山在縣西南二
十里又名臥龍相傳武侯伐魏駐兵於此見虎豹
蛇虫勢惡自臥草中獸皆俯伏有古碑在此山之
景福院

四川名勝志卷之十二終

四川名勝志卷之十三

閩中曹學佺能始著

川北道

順慶府在省城東南六百里領州二縣八

南充縣附郭

本安漢克國二縣地唐置果州取克實之義也或
以郡北果山為名宋寶慶初寧宗潛邸遂有今號
○按克國蜀增南字隋滅國字故為南充克寰字記
云嘉陵江在城東二百步自相如縣界流入南充
蓋克國縣原在郡南三十里而今則附郭也又按

十道記云果州左濱西漢水叢薄蔚然有相如琴臺觀此則嘉陵江之爲西漢水明矣古安漢之名本此○韋應物聽嘉陵江水寄深上人詩水性自云靜石中本無聲如何兩相激電轉空山驚按長慶集云韋貫之坐考策收直言者出爲果州刺史今嘉陵驛設焉□武元衡題嘉陵驛詩悠悠風旆繞山川山驛空濛雨似烟路半嘉陵頭已白蜀門西更上青天陸龜蒙宿嘉陵館離思茫茫偏值夜每因風景却生愁今宵難作刀州夢月色江聲共一樓○耆舊錄云自漢紀信以下三十六人並鬼

學錄蒲士龍所編耆舊而趙嗣業趙昌藻游問爲之贊此外隱逸王公宇以下十四人併繪像于郡之鄉賢堂又復搜訪王綰以下二十餘士悉繫于左○碑目云唐王維送楊長史赴果州詩刻在郡治其中聯云官橋祭酒客山木女郎祠唐詩二體注云漢法祭酒上客之稱女郎祠以謝自然上昇于果山按常璩云張魯以鬼道立教後乃爲祭酒巴漢夷民多使之則祭酒稱上客信矣謝自然昇仙乃貞元間事在右丞後不應引此官橋則郡西三十五里有西橋舊名官橋也按女郎亦張魯女

感孕而生龍者祠在漢中○碑目云唐移縣碑在
南克縣門大中年立文字磨滅不可詳辨二良牧
碑馬肩孟撰載唐二刺史事碑在郡治醋庫之側
永興節度使王彥超重建行成思堂石刻詩云作
堂在姑孰把麾來果山男子四方志萬里如目前
○方輿記云仙鶴樓在郡城後于城上下瞰大江
宋邵博詩春去秋來好風月鶴樓端勝庾公樓○
郡東南開漢樓郡守楊濟記云聖朝褒綸有實開
漢業之語因摘二字以名是樓按開漢樓詩序嘉
陵大江襟帶于左金泉栖樂諸山雄峙于右宋忠

祐廟誥詞云以忠殉國代君任患實開漢業使後
世知君爲重身爲輕雖糜捐不避者侯有力焉之
謂夫○清居山在縣城南嘉陵江水遶之內有四
亭曰白雲光相吸江五友按五友亭宋游炳題明
月清風爲道友古典今文爲義友孤雲野鶴爲自
在友惟石流水爲娛樂友山果芋栗爲相保友是
五友者無須臾不在此間也志云金樓在清居山
高與山等亭亭如浮圖常有光焰出焉○清泉山
在城南十里有古刹下瞰龍門諸山清泉水出焉
寰宇記云龍城山盤屈如龍絕壁如城蜀志補遺

卽龍角山道經以爲福地○朱鳳山高百七十二丈周迴二十里接清泉山昔有鳳凰集于此因置鳳山觀乃爾朱仙李淳風養煉之地迴視郡城如在掌握碑目云唐朱鳳山觀銘長史袁玘文○畫卦石在治東四十里石如砥平上有八卦相傳周柱下史以足畫之足跡尚存○又四十里爲大丰溪源出老君山與嘉陵江合傍有大石如斗○都尉壩在郡南五十里有都尉墓俗云都尉娘西克女子也代父戍以功授都尉歸爲嫂氏所嘲乃剖腹見肝腎以死葬鳳了山有豐碑社祀今廢其年

代姓氏無攷墓前翁仲猶存或云卽陳壽妻壽嘗爲騎都尉故人以稱其妻○果山在府西北十里層峯秀起松栢叢生晉陳壽隱居于此有祠口萬卷樓在果山之麓邵伯温詩果山仙果秀天香處處圓金樹樹芳謂黃柑也志云果山書院在城北五里蜀譙周建後郡人邊速達以秘書監致仕歸隱于此藏書四千二百七十一冊碑刻爲至正八年○治北五里有譙周觀星臺一云是其故宅有碑存按華陽國志云譙侯修文于前陳君煥炳于後則此山之靈秀有自來矣○金泉山一名靈泉

唐李淳風藏金于此化爲泉故名宋江萬里書有金泉二大字崖壁上口唐書貞元十年謝真人名自然于金泉紫極宮白日上昇郡郭是日有虹霓雲氣萬目共覩有青霞觀及真人祠韓愈詩云果州南克縣寒女謝自然童騃無所識但云有神仙輕生學其術乃在金泉山一朝坐空室雲霧生其間須臾自輕舉飄若風中煙入門無所見冠屣同蛻蟬有步虛臺宋鄭芳遊詩云平山酷好退之詩謝女仙踪頗自疑不到步虛臺下看瓊笙玉佩有誰知有靈泉院謝真人父諱寰所居名謝寰山碑

目云唐金泉山仙居述太和五年果州刺史韋公肅文唐鄭餘慶詩刻唐誥刻僞蜀刺史徐光溥詩刻俱在李宏遊金泉觀詩昔時謝女昇仙處此日遺蹤尚宛然蟬蛻舊衣留石室龍飛勝地涌金泉碑書故事封蒼蘚殿寫真容鑱翠煙薄暮松巔聽鶴唳猶疑彷彿下神仙○寶臺山在府城西與金泉對峙有覽秀亭呂好問覽秀亭記思史竇之遺風弔譙陳之舊蹟想程謝之仙踪慕張閻之英躅謂史謙恕竇泌譙周陳壽程太虛謝自然張巖閻纘也○鳳舞山在城西北八里有鳳舞山三字乃

宋人隸刻石又二里爲栖樂山相傳謝自然昇天之日仙樂振響峯頂故名有栖樂池四圍甃石泉水清潔與嘉陵江相通○大方山在城北十五里又城西三十里有小方山孤峯巖然衆嶺連屬儼然洞天也其上有滴乳泉道士何志全飲此水年老面如桃紅樊汝賢詩雲液落山腹脉與崑崙通云何山中叟八十桃顏紅卽今之乳泉舖是○昆井在縣西六十里昆井者大井也卽古之鹽井益州記所載○大耽山與小耽山相對在郡西百里隋楊耽修道于此因名○名賢馬鬣有晉譙周墓

在治後古碑斷折又有譙秀墓秀周之孫隱居不仕躬耕山藪李雄徵之不應王逸少書云聞譙周有孫其人高尚不仕可得見否李商隱詩欲向巴西覓譙秀巴西惟是有寒蕪○馮休墓宋史休南克人真宗朝不應辟召歸山著書○何涉墓在瑠璃山下涉讀書博古著作甚富明道雜志載其爲司馬溫公所推重○游仲鴻墓蜀後溪劉光祖表其道曰於乎慶元黨人游公之墓○趙夫子墓在據德里鄉人稱趙巽也○果州之先有瓦棺葬者偶牧童于插旂山掘地見一小孔其內深廣以數

西川名勝志卷之十三
六
吏許有瓦棺萬餘思而走告太守令瘞之云

西克縣

在府西
七十里

唐武德間始析南克置後乃併流溪而有之流溪
卽西溪也西克之名本此○漢紀信當縣人祠在
紫崖唐盧藏用弔以文曰皇綱圯兮帝紐頽王風
悲兮霸道衰天運促兮周以覆秦德棄兮漢業開
何項王之顛屨作驅除于雲雷豈淵海之飛盪資
拔山之偉才于是左契歸楚羣雄奉職皇矣漢祖
獨負其直矧榮陽之圍城兮旣孤而迫偉將軍之
天誘兮矯奪其識彼見危而授命兮亦各有時考

振古以爲觀兮罔恢帝基感將軍之墳隧兮壯大
義之在茲仰前修以砥節顧車迴而馬遲嗚呼身
旣焚兮業旣昌楚歌絕兮漢道光君不旌兮史不
揚功不錄兮歿不傷奄孤墳以載葬抑千祀而爲
荒皇周敷訓兮澤及枯齒伊予寡德兮忝宰茲地
奉宣嘉猷兮懼尸厥位思將軍兮允忠且義託神
交于萬古兮實獲心志乃斲石于他山兮式幽墳
以昭賁詞曰攝提貞歲兮奉揚仁風跋涉草莽兮
祠弔紀公善彼勇兮殺身爲忠九原不作兮予將
焉同金石刻名兮千萬歲魂魄光烈兮爲鬼雄○

南岷山有九井十三峯漢何岷之所隱也隋程太虛修煉于此太虛自幼好道精修勤苦隱居山中絕粒有二虎侍左右九井十三峯皆其修煉處一夕大風雨砌下得碧玉印居人每乞符祈年印以授之輒獲豐稔唐元和中解體後遷神于玄宮容貌不變宣宗命人求之使者過商山宿逆旅躡險有居第如公館青童引見一道士自稱程太虛祖居西克且囑曰明歲君自蜀入南岷山無忘我及至蜀熟視畫像與前見者無異宋賜號道濟太師碑目云唐程仙師蟬蛻偈皂莢碑唐仙林觀碑中

書侍郎趙彥昭撰俱在本山之降真觀漢車騎崖石刻郡國志云後漢車騎將軍馮緄于此鑄崖刻石十有餘處按金石錄云車騎將軍馮緄碑以范曄後漢書考之史云字鴻卿而碑云皇卿史云初舉孝廉七遷至廣漢屬國都尉拜御史中丞順帝末持節揚州諸軍事與中郎將滕撫擊破羣賊今據碑自舉孝廉至爲廣漢屬國都尉凡十一遷而爲中丞與都使徐揚二州討賊皆在爲都尉前碑云討賊時坐迫州縣正法而史不載又云爲隴西太守坐問吏辜旬不公去官以羌駭動爲四府所

表復家拜隴西太守而史但言遷隴西太守史云
爲遼東太守徵拜京兆尹轉司隸校尉遷廷尉太
常拜車騎將軍以碑考之緄爲遼東太守以前嘗
爲治書侍御史遷尚書遂爲廷尉未嘗拜京兆尹
及司隸也史云振旅還京師監軍使者張敞承宦
者指奏緄會長沙賊復起攻桂陽武陵緄以軍還
盜賊復發策免而碑云臨當受封以謠言奏河內
太守中常侍左悺弟坐遜位史云復拜廷尉時山
陽太守單遷以罪繫獄緄拷致其死遷故車騎將
軍超之弟中官相黨遂共誹章誣緄坐輸左校而

碑云表荊州刺史李隗南陽太守成晉太原太守
劉瑱不宜以重論坐法作左校亦皆不合史又云
爲河南尹時上言舊典中官子弟不得爲牧人職
帝不納拜屯騎將軍復爲廷尉卒于官而碑云復
廷尉奏中官子弟不宜典牧州郡獲過左右遜位
永康元年薨亦當以碑爲正碑又云緄謚曰桓而
史亦不載余嘗謂石刻當時所書其名字官爵不
應差誤可信無疑至于善惡大節則當以史氏爲
據今此傳首尾顛倒錯謬如此然則史之所載是
非褒貶失其實者多矣果可盡信耶口又有墓闕

銘云故尚書侍郎河南京令豫州刺史馮使君神道按後漢書馮緄父煥安帝時為幽州刺史而緄碑亦云幽州君之元子此字在宕渠緄墓前雙石闕上知其為煥闕也○有扶龍山在大陵鎮之扶龍村其小陵鎮有肖巖石竇空澗泉水潔清又有大洲小洲其水雖漲不相連屬鐵冠仙人鈴記云大洲連小洲此地出公侯

廣安州

在府東二百里領縣四

宋開寶初置軍取廣土安輯之義本果渠二州地也治有秀屏樓霄漢閣皆顏魯公書擬峴亭南峰

寺皆張天覺詠○圖經右倚秀屏左瞰渠水志云秀屏山昔有石土地像宋太祖以筆點此山立軍治其像因自墜今郡治即石聖廟其神為五代義士何龍○張商英題擬峴亭詩英雄往事堪歎息欄干徙倚情何極學取山公醉似泥不同羊祐謀人國又題南峰寺詩孤雲飛遠岫落日滿平川寺據南山頂僧傳北祖禪○碑目云大唐三聖碑睿宗御製文俱在州學內道德經碑在城北紫極觀唐咸通中州刺史程壽立公府建置碑宋開寶三年張琪記乾德六年許允脩創○州立於濃洄鎮

濃洄二水名寰宇記云濃水出龍扶速山東流入渠江洄水卽渠水縈洄爲潭者耳按唐地里志岳池有龍扶速山環水出焉非濃水也州志云濃水卽西溪水水色常濁故曰濃發源州治百二十里蓬州之綿塢流至椽樹塢二溪相合經龍扶速山下龍棲灘與環水合又至城南五里東折入渠江與洄水合是龍扶速山乃三溪合流處非源也○渠江有三十六灘水之灌輸其間者渦滄渠別莫知其幾中兩渠相距二尺廣深半之可以流觴天巧致然非人力疏鑿○篆水在州東北五里渠江曲尺灘下石磧平坦冬月水涸磧露仲春水生磧沒深不盈尺日光照映金波透徹其年若登則紋宛成篆籀滌洄波面其見不常邦人以之卜歲云○宋石刻故事以三月三日至河曲過渠江流杯大觀乾道淳熙紹興嘉定間知軍宇文能承務郎張廷堅德州叅軍李陶桃彥遠何溫叔游伯畏何宋卿楊次阜安康民各同時髦游賞其中有連游二三日者如崇慶杜鵬舉奉親挈家來遊○龍鏡潭水圓如鏡宋刻龍鏡二字于石有瑠璃淵兩水相映其一紫碧痕如羅帶其一深清淵如瑠璃俱

在篆水左右○江中沱磧有若鷓鴣若龜蛇若繫
縑若張繖有如明月之團圓有如神仙之遊戲皆
以形似得名唐元稹詩云渠江明淨峽逶迤船到
名灘拽筴遲櫓窳動搖妨作夢巴童指點笑吟詩
畚餘宿麥黃山腹日背殘花白水滑物色可憐心
莫恨此行都是獨行時何行中宕渠廣安駐泊記
南連巴徼北接通川複嶺東橫清江西下林深箐
密岩穴幽邃信爲奇觀云○州東二十里姜山以
伯約屯兵而名山有姜山寺唐僖宗時建下有飛
泉二字僧可徹書○州東南四十里晶然山有龍

祠勅賜孚惠靈公晉太康八年碑文安子文有晶
然集指此○子仙山以神仙馮勝得名志云馮緄
有子脩煉于岳門山一日辭父母謂當仙去以來
晨白鶴飛翔爲候緄登此山望之已而果然又名
望子山吳薦廣安志日子仙觀在治西二十里子
仙山上五代時居人將軍馮勝之子脩煉于此一
日仙去將軍立堂數楹于得仙處則所謂將軍者
馮勝也漢車騎將軍馮緄傳子鸞舉孝廉爲郎中
並無得仙之事○鶴棲山以謝自然得名碑目云
鶴棲山在冀都鎮有古碑字雖漫滅尚髣髴可認

其略云唐貞元十年歲在甲戌果州女子謝自然
白日昇仙刺史李堅以狀聞又爲之傳于時先有
雙鶴棲宿此山然後飛迎自然駕之而去俗因呼
爲鶴棲山按自然昇仙在果州金泉山李堅上其
事唐德宗賜詔今刻于金泉年月日與此碑所載
不差通志云在州東之新明鎮西南十里○故宥
渠城古之賓國都也晉中興書曰賓者廩君之苗
裔巴氏之子務相乘土船而浮衆異之立爲廩君
子孫布列于巴中秦并天下以爲黔中郡薄其賦
稅人出錢四十巴人謂賦爲賓因名○大小良

石崖四絕天險之地宋史淳祐四年制置使余玠
移渠州治于此已上一二址俱在州東北五六十里
○名賢芳躅有孝義臺通志云陳子昂之後遷居
于此七世同居唐旌表之宋時臺尚存○故縣鎮
顏魯公碑舊傳邑宰有姓顏者魯公之先也魯公
刺湖州時過道院因有碑銘今碑磨滅存命除湖
州刺史顏真卿勒銘于道院凡十四字宋乾道中
移置軍城○張唐英墓在州西三十里按唐英新
津人慶曆三年進士歷官殿中侍御史卒葬雙流
之三珠里紹聖二年其子庭玉徙居廣安收葬于

岳門山東南峰下其弟商英往來常居于此山水
名勝多所品題○安丙墓在州南五十里宋史吳
曦僭叛丙矯密詔誅之除四川安撫使卒葬于此
○張庭堅墓在州治北宋史庭堅廣安人元祐進
士爲右正言逾月數上封事訟司馬光呂著寬疏
蔡京章惇之罪○宋史黎錞字希聲渠江人任直
講宋英宗以蜀士問歐陽脩對曰文行蘇洵經術
黎錞按渠江廢縣在州北五里唐武德間所置○
方輿勝覽云世謂廣安有十似紙似池席似蘇梨
似耿魚似嘉猶之可也他未必然若所謂金羹玉
飯紅腊紫梨則非溢美矣憲使何志熙詩欲說寶
城好先誇萬物妍金羹收稻後紅腊落梅前照座
梨偏紫堆盤荔更鮮雪藤猶異產應不數花牋

岳池縣

在州西
六十里

唐析南充縣置者寰宇記云岳安山在縣東三十
五里高六百丈岳池之水出焉上有音聲鳥也○
唐何少卿讀書在龍穴山方輿記云岳池之封山
也去縣五里宋元豐間張諫議庭堅讀書在羊角
竹洞去縣北三十里梁天監中有講道德經者感
二羊跪聽故名慶曆間狀元蒲信讀書在金隴山

志云碑見存○碑目云龜山碑在岳池縣東六十里鑿地得斷碑乃唐人經行所記又云杜甫蠡山寺詩刻在縣北三十里嶠山上有象王獅石左右龍洞書巖四景又云老君山舊碑載唐天祐間有道士乘馬至此馬化爲石道士亦不見○志云治西二十里西溪源自舊縣流入平灘有西溪寺又距十里爲鳴山昔人見雙鴨飛入山池化爲石因名上有鳴山寺唐乾元中建○縣南二十里雲鈎寺唐貞觀建每晨有白雲鈎其棟宇舊名毗盧也然余過縣西千佛巖古觀寺峻級長林煙蘿下垂拂人車馬致可悅耳按畫苑以爲唐開元僧玄奘鑄舊刻栖巖寺○志載縣西六十里東觀舊名集虛相傳呂洞賓宿此畫一蝙蝠于壁其處至今無蚊

渠縣

在州北五十里

漢縣也石過水爲宕水所蓄爲渠縣以之名矣蜀晉隋時皆置郡于此今縣治乃後周明帝所置流江縣也○華陽國志秦始皇時有長人二十五丈見宕渠太史胡母敬曰是後五百年外必有異人爲大人者及李雄之王祖世出自宕渠識者以爲

應之○寰宇記云宕渠山一名大青山在治東五十里其山東西兩門延連相接山澗長狹有似溝渠蜀都賦外負銅梁而宕渠也碑目云有石刻宕渠及花果園大字○志云渠水有三一出達州明通鎮一出巴山一出羅娛山至三會鎮過宕渠山會潛水至縣北會渝水經廣安南渠口會嘉陵江至合州會涪水入江按潛水亦發源于宕渠山麓酈道元謂宕渠縣有大穴潛水出焉通置山下而南入于江是矣○寰宇記云渝水卽流江也夾水上下皆賓民所居華陽國志宕渠故賓國今有賓

城盧城碑目引九域志云流江古賓城有古碑文字磨滅唐鄭谷渠江旅思詩云流落復蹉跎交親半逝波謀身非不切言命欲如何故楚青田廢窮巴瘴雨多引人鄉泪盡夜夜竹枝歌○天寧寺記曰宕渠古郡依山爲城自珠嶺東下至石門伏而特起隱隱隆隆由郡北直南而下爲馬鞍爲登高爲西巖擁蔽坤維升虛降原始得郡治崗分嶺別俛首東向爲袁氏之巖迤邐南轉爲瞿氏之山下瞰巴江舒翼展脰直趨水濱而後已由瞿山之北袁巖以南川原開曠形勢之勝與郡治相埒是爲

天寧寺按賀知章題袁氏別業云主人不相識偶坐爲林泉莫漫愁沽酒囊中自有錢卽袁氏巖也志亦收之○隋書地里志通川宕渠其地接連漢中有八濛山在縣北七里起伏八處有水環之不匝者一里常有煙霧濛其上故名三國志張郃自漢中進軍宕渠之蒙頭盪石與張飛相拒五十餘日飛率精兵萬餘人從他道邀郃軍交戰山道狹前後不得收飛遂破郃巴士乃安志云上有張飛廟碑日有流江縣題名云漢將張飛率精卒萬人打破賊首張郃于八濛立馬勒石○碑日又云唐

末中原爲黃賊扇亂前進士崔塗避地于渠州春日獨遊沖相寺由此登眺翌日北歸題名于石按沖相寺距城四十里乃定光佛道場也崔塗本集詩云水流花謝本無情送盡春風過楚城蝴蝶夢中家萬里杜鵑枝上月三更故園書動經年絕華髮春催滿鏡生自是不歸歸便得五湖煙景有誰爭○方輿又載鄭谷渠州泝江寺詩起居瀟灑寄禪關高掛朝簪淨室閒孤島暫留雙鶴歇五雲爭放二龍閒輕舟共泛花邊水野屐同登竹外山仙署金閨虛位久夜清應夢近天顏按古泝江寺在

縣東起文峰下宋改為祥符寺他若山中之沼四時常綠洲上之魚肖像皆黃皆異蹟也周書曰渠州言鳳凰降于大樹百鳥列侍在今治東北百里鳳凰山梓潼化書之第五十二鳳山化也今為鳳來里有清河寺古清河縣學基有二石柱刻蟠龍甚工

隣水縣

在州南一百二十里

縣有隣山鎮蓋昔隣山縣基梁置而隋廢者今縣亦梁所置寰宇記云隣水出隣山南流中有大磧懸流十丈奔急若驚湍電瀉又云龍穴在隣山之

金盤山下入龍門鎮有瀑布百八十尺號為散水

此山出鐵隣比相次故名華陽國志宕渠郡治有鐵官石蜜山圖所采此之謂也○志云杜工部寓居此縣之善慶里昔建有書院巖上大鑄少陵二字○故老相傳郭璞遺碣云日出照華山金銀對馬鞍鴛鴦池裏宿石版響三潺蓋天池山下溪河中石一方每擊則響聲三應今謂之響石板

大竹縣

在州北一百六十里

地產大竹唐則天時析隣水縣置者昔治在鳳來鄉接渠縣界今治在木門鎮志云縣東門城內二

上兩木對生交合形如闢門元徙縣治于此二岡雖連土色迥別○舊傳初荆縣治斫伐竹林有白兔走出乃建白兔浮圖因以竹名邑曾省入隣山宋紹興復置○出縣西五里有筆峯卓立平野拔地二十丈許余過之作詩云似筆挺然秀山川亦好文岩渠花裏出秦壠竹間分石曰生春水香龕積暮雲經過難久住日後憶離羣○傳記所稱九盤七石昭其數也榮城亢谷別其象也巴河漢墓紀其跡也馮碑沈闕銘其勛也○九盤者沿西十里有山高峻盤旋九折行者憚之○七石者

者鴈平里有七石參差並立若碑林焉○榮城者仙門里有榮城四圍險峻高阜寬平宋鮮史君呂保相禦元兵之所○亢谷者編戶西里有亢谷石長數丈高五尺厥形若鱗○巴河者榮安鄉有巴王河相傳巴王經此今爲鎮○漢墓者平池里有王平墓土人掘得銅香爐安漢侯銀碑等器有漢王將軍字額○馮碑者廷尉馮緄此縣人墓在縣北古賓城雙石闕西南闕高丈二尺額篆云漢車騎將軍馮公之銘文作隸書字猶可辨○沈闕者亦雙石闕在縣北一里其一鐫云漢新豐令交趾

都尉府君其闕上各鑄出屋宇禽獸飛走之像又有單石闕二相去雙石闕一里其上鑄雕物像與此同

蓬州

在府東北一百四十里

領縣二

圖經云兩蓬高峙屹立雲表後周始立蓬州之名寔梁天監大同已來相如綏安二縣地也今俱省入○圖經環蓬皆山而北山爲之主溪壑奇秀神仙隱士所居又多崇蘭黃花每春秋開時清香滿山谷間○方輿勝覽云大蓬山在州東南七十里狀若海中蓬萊因以爲名小蓬山一名秀立與大

蓬對峙相去二里綏山卽大蓬之始號也按列仙傳葛由者蜀之羌人周成王時刻木爲羊賣之一旦乘木羊入蜀蜀中王侯賓之追上綏山隨之者皆得仙術梁于此置綏山縣唐改爲蓬山矣口蓬山有透明巖孔穴相連宛如穿鑿亦名棲真巖俯瞰州郭天氣清明渠達諸山隱隱可數巖下有爾朱真人書隔凡石三大字又唐人知事任惠琳書透明巖三大字橫直各二尺餘楷法迥勁石刻宛然爾朱真人隋時成道唐懿僖間復抵蓬州客安漢館張氏十一年州守以爲惑衆沈于江二渙者

得之釋其縛三人白日昇天口有仙閣巖夜出聖
燈志云聖燈現處凡五北山鳳凰山連翹山大蓬
山小蓬山其在大蓬者尤靈異口有降香碑志云
宋元豐間此州陳才人宋克媛爲皇子公主祈福
立降香碑在大蓬山邑人元祐進士雍沿蓬州十
三景詩有云元豐天子太平時宮掖賢明有二姬
能就此山焚龍炷至誠爲國長金枝○小蓬山下
有仙女墳元時普安里民家女及笄一日父母他
出有道士叩門求火女不啓戶道士大書閉門不
納四字而去女手擦之不去舌舐之乃滅因感而
娠父母疑而責之不自白遂投江死其屍逆流親
戚相與撈葬之忽自腹中裂出肉印方驚駭間水
暴漲湧沙成一大墳于江水中左右夾流若神力
焉今名仙女墳○舊縣以相如名嘉陵江遠之周
地圖記云司馬相如故宅在今治南二里本地有
相如坪相傳云相如別業在此西瀆漢水藜薄鬱
然其基亦名琴臺高六尺周四十四步碑目云相
如故宅碑在縣西南光聖寺漫滅不可讀陳子昂
文志以爲卽今州治○唐石龕佛像記在相如祠
堂縣令陳子良撰子良伯玉之兄也宋王儔以舊

本長卿像圖于祠壁祠成爲記略云伏念長卿傑出于西京文章極盛之際至今薄海內外人無賢愚皆知有長卿言語之妙若揭日月儔嘗過縣之琴臺乃圖經所謂長卿故宅者一時遺跡彷彿尚在又謂縣雖僻左而江山風物可樂也從其人遊皆好學能文章亦有所自來矣今之從政者祖律令所有乃敢知至于風化謝非已事否則歸不暇也鄧侯獨以自任不辭其爲政知所先務矣按元初時祠圯延祐四年驛丞苗成重建○志云嘉陵江畔有石佛寺建于晉魏間有一僧以解龍困獲

寶盆弟子爭之龍取盆去元喬西雪歌詳其事今有驛名龍溪或取此昔鮮于氏子見人從雲霧中引入龍宮乃覽諸怪異歸而述諸家人云○志又載鮮于氏之子遊學錦官偶老翁丐通一家信道次石門取書置石上忽有人引生前行見一王侯曰荷君寄音乃以藥數粒授生後生壽至百歲按石門在今治北六十里右有石梁橫卧嘉陵江中元至正壬午龍斷其梁水由中行下有深潭魚龍之巢穴也○酈道元注水經云相如縣有漢車騎將軍馮緄桂陽太守李溫冢二子之靈常以二月

還則漢水暴長郡俗于水上祭之○有雞卸神祠益州記云雞卸祠在相如縣川在邛溪側故為祠號○有芳溪館元稹感夢詩州三十里

有館名芳溪已上三則俱在水渙若時東西

之勝泉分金玉之形樓著文明之盛宮開紫極之

祥守以真卿始為勝地禪因宗密大振家風皆可

述焉○方輿記云東巖在龍章山俯瞰大溪前眺

歌陽安固諸山歷歷可攷西巖在報恩寺西南隅

前有閣曰松風謾謾來吹人○本志云州西資聖

院金錢井每月明輒有金錢影浮水上又云州治

內有玉環井形如玉環因名○文明樓額郡人何

弱翁建臨邛魏了翁書里豪藏之家為雷所擊移

之書院雷復擊之凡三震而木不傷今懸在北門

外樓上弱翁宋進士也了翁即魏華父丞相○紫

極宮在州南洋官之側東巖中峯巍然時起後殿

上有金鑄玄宗像宮中老君殿題字乃蜀王建永

平年號○顏魯公本傳唐上元元年李輔國遷明

皇于西宮真卿率百僚上表請問起居輔國惡之

貶蓬州長史宋唐子西贈杜守詩云去天一尺古

蓬州除守年來得勝流○圭峰禪師名宗密相傳

州之鷺鷥山有井井側有巨人跡師母履之而孕已媿師以為不祥弃之野牛馬避弗踐鷺鷥羽覆之母乃收撫及長出家于青蓮山講經地涌青蓮八龍聽講今有八龍池

營山縣

在州東六十里

咸安在蓬州曰郡在營山曰縣若大蓬山則兼得而有之州之北山即縣之南山也說者以為大蓬之秀士巖飛仙巖朝陽洞魯公祠皆當縣界○按秀士巖乃李特讀書處俗名天子讀書臺巖下石室刻雲屋二字○志云登封縣令應真人諱靖唐

僖宗時為登封令後棄官學道得仙紹興中何格非見之于大蓬飛仙巖東自是數至格非第○大蓬山有朝陽洞空濶可容數百人封塞已久萬曆中重開○續碑目云營山縣顏祠有米元章書仙真事石刻乃近日南克王隆吉得于費縣草莽中者翻刻于此○縣東四十里青羊山有青羊宮元人建真武古像碑刻存焉鳳院山頂有鳳凰臺相傳鳳凰曾棲其上有龍馬槽石形隱隱如龍鱗之狀宋郡守吳幾復詩蒼石皴文龍跡在清泉涵沫海源通○縣西南六十里披衣山天將雨山上雲

霧馳曳如披衣焉山上有雲山寺寺中有池去果
州嘉陵江三十里江水或淺其池亦淺江水或漲
其池亦漲號天生池其山又有青溪之水出焉○
縣北百二十里孔雀洞洞門如圭竇其中宏敞左
右有石床洞盡處有石孔雀水出喙中

儀隴縣

在州北一百八十里

石銘儀隴洞勒金堆乃晉張英遇仙處也石門雙
扇痕迹宛然事詳神仙記中○古方州置在方城
山下今縣之主山也爲抱朴子結菴之處有抱朴
菴三字刻于石壁圖經葛洪詩云酒盡君莫沽壺

傾我當發城市多囂塵還山弄明月卽此山作○
古伏虞縣置在伏虞山下宋僧道澄結菴于此孫
諤贈以詩曰聞說虞山有道澄白雲深處不開扇
自言古佛何爲者只是無心一老僧刻石于本山
之奉國寺按距今治東六十里○若夫龍車之穴
四時花發六澗之水相扶合流火井天寒焰從地
出龍鮫聖水浴蠶倍利則皆以秀特聞○縣界有
廢隆城郡在金城山頂四面懸絕石壁高八十丈
周迴五里惟西南稍通人馬故以隆城爲名○又
有廢大寅縣取大寅山之號唐廣德間改曰蓬池

元省入○今縣與隆城大寅俱梁天監間所置者以在大儀山之坂坂大曰隴也唐開元初移于山下平溪卽今理

四川名勝志卷之十三

四川名勝志卷之十四

閩中曹學佺能始著

潼川州

直隸四川布政使司在省城東北三百里

領縣六

漢鄴縣三國志云先主入蜀攻劉璋遣諸葛亮等分定州郡略郡至鄴百姓以牛酒犒師于會軍堂山卽此地東廣漢郡後主置也十道記云廣漢之地有鹽井銅山之富蔬食果實之饒宋劉甲人物志序唐以前凡稱梓潼者卽今之隆慶稱涪者卽今之綿州惟稱鄴及廣漢縣乃潼川也潼川名州自五代蜀重和始○唐楊炯送梓州周司功詩御

溝一相送征馬屢盤桓言笑方無日離憂獨未寬
舉杯聊勸酒破涕暫爲歡別後風清夜思君蜀路
難盧照鄰送梓州高叅軍京洛風塵遠褒斜煙霧
深北遊君似智南飛我異禽別路琴聲斷秋山猿
鳥吟一垂青巖酌空佇白雲心王維送梓州李使
君萬壑樹參天千山響杜鵑山中一夜雨樹杪百
重泉漢女輸賓布巴人訟芋田文翁翻教授不敢
倚先賢○唐肅宗時建東川節度使于此李洞送
東川高僕射詩油幢影裏拜清風十里貔貅一片
雄三印鎖開霜滿地四門關定屏當空泉浮山葉

人家過詔惹爐香鳥道通新起畫樓携客上絃歌
筵內海榴紅元稹詩序元和四年三月七日子以
監察御史使東川往來鞍馬間賦詩凡三十二章
秘書省校書郎白行簡爲予手寫爲東川卷云○
唐梓州叅軍蘇榮丞相味道之父到職授書鄉人
曰頃注吏部州叅子號縣帶鄰名由來不涉老身
併是婦兒官職孫光憲北夢瑣言云西川人言梓
州者我東門之草市也柳仲郢爲東川節度使美
績流聞嘗語人曰吾仕朝廷三十年清華備歷今
日始與西川作市令耶○州治名世堂畫司馬相

如王褒揚雄嚴君平屈原陳子昂李太白蘇子瞻
八人皆蜀產而秭歸在蜀漢時爲建平郡故三閭
得兼收之東坡送周正孺知東川詩爲公掃棠溪
畫像蔚相繼自注云蜀中太守賢者無不畫像焉
○元和郡國志州城宋元嘉中築舊潼川志云州
之子城上紅樓董璋時建碑目云後唐武信軍軍
衙記廣政間歐陽炯撰蓮花漏天聖中燕肅爲守
日置以候昏曉仍自爲記○杜甫春日梓州登城
樓詩行路難如此登樓望欲迷身無却少壯迹有
但羈棲江水流城郭春風入鼓鞞雙雙新燕子依
舊已銜泥孫樵梓潼移江記云涪繚于鄴迫城如
幡滂漲秋狂突堤蕩廬榮陽公始至則思所以洗
民患乃鑿江東壩地別爲新江東北注流使水道
與城相遠百姓利賴之魏了翁潼川府新城銘云
嘉定中永嘉曹君奉使按刑乃建治城隍且包牛
峰移西溪爲久遠之計矣○通典云左帶涪水右
挾中江水經濟涪水出廣漢涪縣西北南至小廣魏
與梓潼水合注云小廣魏卽廣漢縣地王莽更名
曰廣信也昔岑彭與臧宮伐公孫述從涪水而上
卽此亦謂之內水矣李膺益州記云桃花溪在城

東三十里從涪城縣南流入涪水○方輿勝覽云
州城東三里有東山寺一名普惠寺寺有蘇公泉
臨川門下瞰涪江志云隔江修阜如長城有蘇公
泉暨石塔在焉杜甫登普惠寺春日無人境虛空
不住天鶯花隨世界樓閣倚山巔遲暮身何得登
臨意惘然誰能解金印瀟灑共安禪魏了翁臨發
潼上許侍郎奕提刑餞于東山賦詩留別人生出
處亦何常又到涪江江上鄉山色如逢故人語松
聲仍作去年香紅裳大舶滿清鏡翠瀨白沙明夕
陽未省此權何日更擬邀明月照昏黃○西郊有

亭宋蒲規記以爲蜀相高平公所建杜甫有詩

西原送李判官兄武判官弟赴成都府詩○牛頭

山在州西南二里高一里形似牛頭四面孤絕俯

臨州郭上有長樂寺樓閣煙花爲一方之勝槩方

輿勝覽云鄴江源出銅山縣赤岸溪遶牛頭山足

入涪水亦謂之中江水又云石谷溪源出當州杜

山下亦遶牛頭而入中水○九州要記云牛頭山

葛仙翁多遊于此今立寺與白獸山相連秦時有

白獸爲害夷人射之因刻石于此山遺像尚存圖

經云牛頭山永福寺據其頂廣化寺據其岡羅漢

院據其麓永福寺梁武帝賜名長樂唐名靈瑞卽牛頭寺也杜甫上牛頭寺青山意不盡滾滾上牛頭無復能拘礙真成浪出遊花濃春寺靜竹細野池幽何處啼鶯切移時獨未休李洞秋宿牛頭寺云月去簷三尺川雲入寺樓靈山頓離衆列宿不多稠篆字焚初缺翻經誦若流牕閒二江冷簾捲半空秋鶴夢生松蓋雲門鎖梓州望空工部眼搔亂廣文頭石室僧調馬銀河客問牛曉鐘歸下界大地一浮漚柳公綽題牛頭寺一出西城第二橋兩邊山木晚瀟瀟井花淨洗行人耳留聽溪聲入

夜潮□按靈瑞寺有浮圖隋開皇建王勃碑文略云牛頭山者廣漢之名峰也圓裔幾乎數里直上逾乎百仞蒼岑隱嶙旁分玉砌之階碧洞逶迤下趣金陵之苑因危立戶跨險分榮又于山頂別立浮圖每至兩江春返四野晴初山川霽而風景涼林壑清而雲霧絕賞因時并筆爲神驅有情君子誰爲捨乎□神僧傳云牛頭山半有洞人傳八百里與眉州通曾有避罪者匿其中後于青神中巖見之碑目云洞門寺一名天寧在牛頭山麓舊鑿洞門字于巖側○本志云州西五里三臺山下有

魯交洞交讀書于此卽宋仁宗手錄其清夜吟者
○盧照鄰集云梓州城南池亭長史張公聽訟之
別所也觀其巖嶂廻複州流灌注雲牕綺閣負繡
堞之逶迤澗戶山樓帶金隍之繚繞信巴蜀之奇
制矣圓潭寫鏡光浮落日之津雜樹開帷彩綴飛
煙之路藤蘿杳靄桂踈陰以送秋鳧參差結流
音而將夕百年之歡不再千里之會何常下客悽
惶暫停歸轡高人賞玩豈輟斯文咸請賦詩六韵
成章云爾照鄰得池字詩曰二條開勝跡大隱叶
冲規亭閣分危岫樓臺遶曲池長薄秋煙起飛梁
古蔓垂水鳥翻荷葉山蟲咬桂枝遊人惜將晚公
子愛忘疲願得迴三舍琴樽長若斯杜甫宴章梓
州水亭詩城晚通雲霧亭深到芰荷吏人橋外少
秋水席邊多近屬淮王至高門薊子過荊州愛山
簡吾醉亦長歌○勝覽云兜率寺在南山一名長
壽亦隋開皇建卽蘇軾詩所稱牛頭與兜率雲木
蔚堆壠者林泉糾合之勢山川表裏之形抽紫巖
而四絕疊丹峰而萬變連溪拒壑所以控引太虛
蒸雲駕雨所以盪洩元氣見王勃本寺浮圖碑杜
甫上兜率寺云兜率知名寺真如會法堂江山有

巴蜀棟宇自齊梁庾信哀雖久何顛好不忘白牛
車遠近且欲上慈航文同前題兜率寺簿領迷人
喜暫閒聊尋古寺陟孤巒栢藏一徑中間窄雲斂
千峯四面寬遠目已將飛鳥過寸心更乞老僧安
若爲借得禪房宿卧看龕燈一點殘寺內有文
塚銘云文塚者長沙劉蛻復愚爲文不忍弃其草
聚而封之也蛻愚而不銳于百工之技天不工蛻
也而獨文蛻焉故飲食不忘于文晦冥不忘于文
悲戚怨憤疾病嬉遊羣居行役未嘗不以文之爲
懷也適當無事而天下將以文爲貴號文明代生
植明晦皆效文用故日月星辰文乎旂常魚蟲鳥
獸文乎彝器徐方之士文于侯社夏翟之羽文于
旗旄登龍于章升玉于藻百工婦人雕礪染練以
供宗廟祭祀之用豈獨蛻也生知效用不及時文
哉然而意嘗獲助于天不獲助于人故其窮雖窮
無憾也當勤意之時不敢嚏不敢咳不敢唾不敢
跂倚嗜欲躁競忘之于心其祗祗畏畏如臨上帝
故有粲如星光如貝氣如蛟宮之水又有黯如屯
雲如久陰如枯腐熬燥之色則有如春陽如華川
透透迤迤則有如運海如震怒動蕩怪異夫十爲

文不得十如意少如意則豈非天助乎常欲使天下聞之而必行勸之而必蹈散之茫洋以爲道演之浸潤以及物然後爲農文之使風雨以時兵文之使戎虜以順文于野文于市使得其所幽隱之士以出口者使之言材者使之用然而自振者無力終知者甚稀豈非不獲于人助乎嗚呼十五年矣實得一千一百八十紙有塗者乙者有注楷者有覆背者有珠墨圍者于是以周易筮之遇復之同人筮者曰鳴于地中殷殷隆隆七日不復復來其天下昭融乎它日更召龜而令之將聽襲吉卜于火如秦兆惟曰不吉卜于水不成乎河洛兆則亦惟曰不吉卜于水而悶悶土叶吉纍纍爲塚則汲之兆乎峭峭爲壁則魯之兆乎且其占曰土之文爲阿山爲華英將不崩不竭爲滋味而傳乎結爲丘陵爲其設險乎融爲川瀆率其朝宗華爲百穀以潔祭祀之粢盛乎不然使其速腐爲墟壤生芻橐以食牛羊乎化爲泥塗甄陶以作器乎將塊爲五色而分封茅社乎流爲樂爲土鼓爲木槎以泄其和聲乎夷爲都邑以興宮廟坎爲洿池以澤生植乎祀爲壇竈乎窵爲井墓乎吾皆不得而知

也嘗旣不得爲吾用惟速化爲百工之用慎母朽爲芝菌以怪人自媿慎母堅爲金鐵以作貨起爭慎母滴爲釀泉以味乎諛口慎母禱爲城社以狐鼠憑妖慎母聳爲良材以雕琢傷性慎母萌爲蘭茝以佩服見褻嗚呼介而爲石使之服言舒而爲螾使之飲泉旣而他年遊魂之未返者亦命巫以巾三招之號曰在几閣而來歸兮視不汝醜在口吻而來歸兮譽不汝久噫筆絕之年而麟見崇玄其無崇乎含非珠玉斂無裙襦後世詩禮之儒無篤吾之幽墟其塚也在莽蒼之野大塊之丘時大

唐大中之丁卯而戊辰之季秋銘云文乎文乎有鬼神乎風水維貞將利其子孫乎按蛻字復愚唐懿宗朝爲左拾遺上書言令狐綯之子滴不宜爲言官貶山陽令後寓居潼川又北夢瑣言云劉蛻桐廬人早以文學進士其父嘗戒之曰任汝舉進取窮之與達不望于汝吾沒後慎勿祭祀乃乘扁舟以釣魚自娛竟不知其所適蛻後登華貫出典商於霜露之思于是乎止臨終亦戒其子如先考之命蜀禮部尚書纂卽其息也常爲同列言之益部談資云文塚進前古栢數百株皆虬枝而龍幹

矣○志云州南五里印臺山趾方而頂圓故名其
右三四里有落馬崖昔有易玄子乘馬至此馬化
爲龍躍入江○州南七里有鶴林寺杜詩牛頭望
鶴林梯徑遶幽深春色浮山外天河宿殿陰傳燈
無白日布地有黃金休作狂歌客回看不住心按
宋著作郎吳泳本州人著有鶴林集本此○碑目
云王勃庾信護聖寺碑在城北本寺內又唐護聖
寺鐘銘龍紀二年節度使顧彥暉鑄有銘又護聖
寺水陸淨土巖北有甘露亭碑李潮八分書又甘露
泉誓犀碑李雍書又護聖寺彌勒崖佛頌唐大中
年東川判官李商隱文□高僧傳云梓州城北有
白門蘭若在長平山卽北山也山長而平故名碑
目梓州官僚磨崖贊唐武后時司法叅軍楊炯作
在北崖字十六七磨滅不可讀炯又爲北山惠義
寺銘曰長平山今建重閣上穹隆兮下磅礴紛被
麗兮駢交錯儼靈相兮冲寂寞誰所爲兮天匠作
杜甫惠義寺送王少尹赴成都分得峰字苒苒谷
中寺娟娟林表峰闌干上處遠結構坐來重騎馬
行春徑衣冠起晚鐘雲門春寂寂此別惜相從

射洪縣

在州南
六十里

縣西魏所置李膺益州記云婁樓灘東六里有射
江土人語訛以江爲洪按志後周從俗因改射洪
矣注水經云涪江水又東南合射江志云射江在
縣東十五里源自劍州歷梓至獨坐山下與涪江
合流○楊用脩雜字韻寶云洪大壑也俗省作洪
川中之射洪徐州之呂梁洪義皆取此予攷寰宇
記云萬頃澤田在通泉縣東北二十二里澤內方
萬頃是亦與大壑之義近矣通泉亦西魏置今併
當縣○陳子昂故宅在東武山下去縣北里許本
集云子昂四世祖陳方慶好道隱于此有唐朝道
觀址而真諦寺在其左有暉上人者子昂與之往
還本集酬暉上人夏日林泉詩聞道白雲居窈窕
青蓮宇岵泉流雜樹石室千年古林卧對軒窓山
陰滿遮戶方釋塵勞事從君襲蘭杜又酬暉上人
秋夜山亭有贈皎皎白林秋微微翠山靜禪居感
物變獨坐開軒屏風泉夜聲絕月露宵光冷多謝
忘懷人塵憂未能整又暉上人房餞齊少府使入
京府序云永淳二年四月孟夏東海齊子宦于此
州雖黃綬位輕而青雲器重故能委邦君而坐嘯
屈刺史而知名屬乎鑿駕巡方諸侯納貢將欲對

揚天子命我行人執玉帛而當朝擁駿駢而戒道
指途河渭發引岷嶠粵以丙丁之日次于驛公別
舍蓋言離也爾其巖泉列坐竹樹交筵吐青靄于
軒窓栖白雲于左右參差池榭亂山水之清陰繚
繞階迤雜峯崖之異勢入禪林而避暑肅風景于
中遮開水殿而追涼徹氛埃于戶外瑤琴合奏翠
竿時行譚窈窕于天人極留連于晷刻旣而歡樂
極良晨征攀白日而不迴唱浮雲而告別山光黯
黯凝綠樹之將曛嵐氣沈沈結蒼雲而遂晚雖同
交未阻風月可留岐路方乖關山咸恨嗟呼朝廷

子入期富貴于崇朝林嶺吾棲學神仙而未畢青
霞路絕朱紱途遙言此會之何時願相逢而誰代
永懷千古豈知仁者之交凡我三人盍崇不朽之
迹斯文未喪題之此山同疏六韻云爾口碑目云
陳拾遺故宅有趙彥昭郭元振題壁杜甫過陳拾
遺故宅詩拾遺平昔居大屋尚修椽悠揚荒山日
慘淡故園煙位下曷足傷所貴者聖賢有才繼騷
雅哲匠不比肩公生揚馬後名與日月懸同遊英
俊人多秉輔佐權彥昭超玉價郭振起通泉到今
素壁滑灑翰銀鉤連盛事會一時此堂豈千年終

古立忠義感遇有遺編○圖經載陳拾遺建德碑
大曆六年趙儋代梓州鮮于刺史作○子昂讀書
在金華山志云上拂霄漢下瞰涪江有玉京觀在
本山上東晉陳勲學道山中白日仙去梁天監中
建觀有唐明皇所鑄老君像陸魯望云枝峰蔓壑
秀氣旁礴不啻神仙登臨也觀有宋治平二年賜
號玉京延祐元年道士陳若海重修二年歲次乙
卯九月丙午朔重九日甲寅前渠州學正杜文炳
記本集春日登金華觀詩白玉仙臺古丹丘別望
遙山川亂雲日樓榭入煙霄鶴舞千年樹虹飛百
尺橋還疑赤松子天路坐相邀杜甫到金華山觀
因得故拾遺陳公學堂遺跡涪右衆山內金華紫
崔嵬上有蔚藍天垂光抱瓊臺繫舟接絕壁杖策
窮縈洄四顧俯層巔澹然川谷開雲嶺日色死霜
鴻有餘哀焚香玉女跪霧采仙人來陳公讀書堂
石柱仄青苔悲風爲我起激烈傷雄材盧藏用贊
且岷山導江回薄萬里浩瀚鴻溶東注滄海靈光
氛氲上薄紫雲其瑰寶所育則生異人於戲才可
兼濟屈而不伸行通神明困于庸監子曰道之將
喪也命矣夫○蜀志補遺有陳子良者子昂之兄

也詩工樂府見文苑英華兼精醫術著日華子行
于世○上方寺在北關外唐有釋氏文公知名杜
甫贈之詩云野寺隱喬木山僧高下居俯視萬家
邑烟塵對階除吾師雨花外不下十年餘長者自
布金禪龕祗晏如○半里爲黃溪相傳黃初平叱
石成羊處又里許爲石鏡寺盧照隣詩古墓芙蓉
塔神銘松栢烟鸞沉仙鏡裏花沒梵輪前鉢衣千
古佛寶月兩重圓隱隱香塵夜鐘聲徹九天按寺
宋淳熙間復建 國朝成化三年僧繼圓于草莽
中得古碑字漫滅不可攷惟存一詩云昔日朱輪

守經過野寺家柱間留墨跡泉下隔年華雲去空
雕檻風來捲碧沙江山雖似畫每到動吁嗟繼圓
因遺址重修○益部資談云射洪北三十里山巖
迴合梯磴逶迤谷口石刻風磴雲門四字乃唐何
將軍山林也杜少陵與鄭廣文同遊處○子昂墓
在獨坐山山形周迴一里高一百丈卓然孤峻南
枕涪梓二水志云此山似人巍然獨坐故名距縣
南十五里盧藏用題曰道喪千載而得陳君子昂
郭廷謂詩魂逐東流水墳依獨坐山○其東北曰
公成山唐時梓潼官吏掘得石龕龕中有尊像一

真人六獅子昆侖各二千時王維爲留司表賀略云是聖祖見千萬春鄉語絳都人而指其處也周流六虛言于晉而驗于蜀混成一氣出于有而入于無未達齋心初迷三里之霧旣符真氣俄成五色之雲山腹洞開仙容儼若萬物今覩千劫未逢矣○懸巖山在縣南十五里遠望懸崖皎如白雪舊名白崖山天寶三年勅改今名按卽玉屏山也下有陸使君祠使君諱弼梁代謫瀘州刺史卒于官櫬過射洪之玉屏山而舟覆瀘人哀之爲立廟于此土人呼曰白崖廟宋世賜號顯惠梁書有傳卽陸放翁所云以杜詩爲籤譜徃徃有驗者○又五里爲龍門洞志云在卧龍山右里許宋良菴先生隱處紫岩張公嘗訪之大書龍門二字左有紫岩叟圖書又其下題云淳熙戊申仲冬十三日秦國張燁自翠麓縱步良菴龍門獲覩先公大師魏國忠獻遺跡江山增重燁敬拂塵不勝感慨○又五里爲全真觀有古栢一株形如卧龍又名木龍觀○又二十里爲乾明寺唐貞觀間僧慧悟開山宋熙寧中僧居信建寺中有御書閣其下爲堂庭可容百人柱皆連抱兩山盤礴檜栢森然知軍州

事陳鵬所記○又五里爲歸雲洞洞深四丈五尺廣八尺餘其高如廣之度中有石榻二石龕二茶竈石碁局各一宋岑象求先生讀書處按象求通志稱中江人第進士官至侍講出將指使入侍經筵存心制行爲士所矜式云右已上皆通泉縣西境○按通泉縣治沈水出焉黃澗名川大浸名寺取流泉交注之義也寰宇記云沈水在通泉縣北卽漢臧宮破公孫述將延岑處通泉山在縣西北二十里東臨涪江絕壁二百餘丈水從山頂湧出下注涪水湧泉郡故城在此楊天惠連鰲閣記云


通泉爲梓名邑江山秀潤土田平夷○碑目云晉雲南太守段宗仲德政碑在通泉縣碑在墓下唐薛稷書慧普寺三字方徑三尺筆畫雄勁在通泉壽聖寺聚古堂按慧普寺梁大同中建初造彌勒下生一座相好端足唐貞觀初放光戶牖明燭人稱異焉王勃頌曰長江舊域廣漢遺區川分潼峽塞接岷渝閭闔四會亭障咸紆爰開寶地實控名都霞墻百雉雲霓四注紫闕尋烟蘋樓結霧波流虹起雷奔躡步網罩星鶉璫栖月兔靈機藻粹禪室安閒瑤金範玉舉翠浮丹神功不夜虛室長寒

光超有色貺出無端清露花徑飛泉葉戶礪綠苔
秋山蒼樹古茫茫庶類巍巍淨土鴛鴦同歸華夷
共聚第一義諦寥廓法門迹離生滅思舉乾坤情
迷則復道在爲尊唯名與器萬古長存○張彥遠
名畫記云薛稷畫鶴在通泉縣署屋壁後老杜詩
薛公十一鶴皆寫青田真卽此唐詩紀事郭元振
神龍間尉通泉任俠使氣不事小節武后召欲詰
問旣與語奇之索所爲文章上寶劍篇后覽之嘉
歎杜甫過代公宅詩豪傑初未遇其跡或脫略代
公尉通泉放意何自若及夫登衮冕直氣森帷薄
磊落見異人豈伊常情度我行得遺跡池館管
鑿高詠寶劍篇神交付吳漢○志云郭代公墓在
通泉縣東按普惠寺小園有代公姬薛氏殯地陳
子昂爲誌銘○續高僧傳載通泉縣西山有大佛
像高百三十尺兩邊泉流唐貞觀中慧震所鑄○
宋淳熙二年成都府轉運判官李石知幾義冢偈
爲射洪雍氏撰丙申歲射洪縣主簿管學事韓南
杞重跋

四川名勝志

卷之卅四

十一



卷之二